

# Erindisbréf fræðslunefndar

## I. Stjórnskipuleg staða fræðslunefndar

Fræðslunefnd heyrir beint undir bæjarstjórn Snæfellsbæjar.

### Eftirtalin starfsemi er á verksviði nefndarinnar:

Grunnskólar, sbr. lög nr. 91/2008

Leikskólar, sbr. lög nr. 90/2008

Tónlistarskólar, sbr. lög nr. 75/1985

Önnur málefni skv. erindisbréfi þessu.

## II. Skipan fræðslunefndar

Í fræðslunefnd eiga sæti **fimm fulltrúar**, sem bæjarstjórn kýs til fjögurra ára, að afloknum sveitarstjórnarkosningum skv. ákvæðum **sveitarstjórnarlaga, laga um grunnskóla og leikskóla og samþykktar um stjórn og fundarskóp Snæfellsbæjar**. Á sama hátt eru kjörnir fimm fulltrúar til vara. Auk kjörinna fulltrúa eiga **skólastjórar, fulltrúar kennara og fulltrúi foreldra barna í grunnskóla og leikskóla** rétt á að sitja fundi nefndarinnar, með málfrelsi og tillögurétt. Þá á **bæjarstjóri** rétt á að sitja fundi nefndarinnar með málfrelsi og tillögurétti.

Nefndinni er heimilt að kalla til sín sérhvern þann sem tengist málum sem fjallað er um.

Nefndin kýs sér formann og varaformann á fyrsta fundi sínum. Jafnframt kýs nefndin sér ritara.

## III. Verkefni fræðslunefndar

Helstu verkefni fræðslunefndar eru:

- Að gera tillögur til bæjarstjórnar um markmið og stefnu sveitarfélagsins í fræðslumálum.
- Að hafa eftirlit með því að samþykkt markmið bæjarstjórnar í þessum málaflokki nái fram að ganga.
- Að hafa eftirlit með stofnunum, sem heyra undir nefndina og fylgjast með því að þær vinni að settum markmiðum, í samræmi við lög, reglugerðir og kjarasamninga og veiti góða þjónustu.
- Að hafa eftirlit með og stuðla að því að skólum sé tryggður aðgangur að sérfræðiþjónustu í samræmi við gildandi lög og reglugerðir.
- Að gera tillögur að fjárhagsáætlun til bæjarstjórnar, um þá liði hennar sem falla undir verksvið nefndarinnar, í samstarfi við viðkomandi starfsmenn.
- Að hafa eftirlit með því að fjárhagsáætlun sé haldin.
- Að vera bæjarstjórn að öðru leyti til ráðgjafar í fræðslumálum.
- Að fjalla um þau mál sem bæjarstjórn felur nefndinni hverju sinni.

#### IV. Starfshættir fræðslunefndar

Um starfshætti nefnda/ráða er sérstaklega getið í VI. kafla samþykktar um stjórn og fundarsköp Snæfellsbæjar og skal þeim fylgt efir því sem við á.

Fræðslunefnd kemur saman fyrir **luktum dyrum á fastákveðnum fundartíma**, að minnsta kosti einu sinni í mánuði. Skal nefndin gera samþykkt um þennan fundartíma á sínum fyrsta fundi að höfðu samráði við bæjarstjóra.

Nefndin skal halda **gerðarbók**. Kjörinn eða ráðinn ritari færir fundargerð í gerðabókina. Í gerðabók skal skrá **hvar og hvenær** fundur er haldinn, **hverjir** sitja hann og **hvenær honum lýkur**. Skrá skal **einstök mál**, sem tekin eru fyrir á fundinum, **hvenær þau komu til, nöfn** hlutaðeigandi, **meginefni og afgreiðslu** nefndarinnar. Í lok fundar skal ritari **lesa fundargerðina** upp og allir viðstaddir **undirrita hana**.

Fræðslunefnd getur ákveðið að fundargerðir verði **skráðar í tölvu** og skal það þá gert í samræmi við 16 gr. í samþykktum um stjórn og fundarsköp Snæfellsbæjar.

Strax að loknum fundi kemur ritari nefndarinnar fundargerðinni til bæjarritara sem hefur umsjón með frágangi og ritvinnslu fundargerðarinnar og leggur hana fram með dagskrá næsta bæjarstjórnarfundar. Bæjarritari sendir fundarmönnum afrit af fundargerð nefndarinnar ásamt afgreiðslu bæjarstjórnar.

Nefndarformaður sér um boðun funda. Fundarboðun skal vera **skrifleg og tilgreina fundarstað, tíma og dagskrá**. Fundarboð skal sent nefndarmönnum og öðrum sem seturétt hafa á fundum eigi síðar en **sólarhring fyrir fund**.

Nefndarformaður stýrir fundum nefndarinnar skv. ákvæðum IV. kafla samþykktar um stjórn og fundarsköp Snæfellsbæjar.

Fundur telst ályktunarhæfur **ef meirihluti nefndarinnar er mættur** á fund. Í atkvæðagreiðslu ræður afl atkvæða. Mál telst fallið í atkvæðagreiðslu ef atkvæði falla að jöfnu með og á móti.

Ályktanir nefndarinnar til bæjarstjórnar og bæjaráðs skal ætíð **senda bæjarstjórn** í sérstöku erindi.

Nefndin skal árlega gera **tillögur að fjárhagsáætlun** um störf sín og senda til bæjarstjórnar.

Fulltrúar í nefndinni skulu fá **hæfilega þóknun** úr bæjarsjóði fyrir störf sín í nefndinni samkvæmt nánari ákvörðun bæjarstjórnar.

#### V. Eftirfylgni

Formaður og aðrir fulltrúar fræðslunefndar skulu snúa sér til bæjarstjóra með eftirfylgni staðfesta samþykktu nefndarinnar.

#### VI. Réttindi og skyldur nefndarmanna

Um réttindi og skyldur nefndarmanna gilda ákvæði sveitarstjórnarlaga og samþykktar um stjórn og fundarsköp Snæfellsbæjar, eftir atvikum.

Nefndarmanni er skylt að sækja fundi nema lögmæt forföll hamli. Skal hann boða varamann sinn og láta formann eða starfsmann nefndarinnar vita um forföll með góðum fyrirvara.

Hver nefndarmaður á rétt á að koma máli á dagskrá fundar, enda skilar hann efni þess til nefndarformanns eða starfsmanns a.m.k. tveimur sólarhringum fyrir fund.

Fulltrúar skulu hafa hag bæjarfélagsins að leiðarljósi við nefndarstörf sín en eru ekki bundnir af öðru en sannfæringu sinni, lögum og samþykktum um stjórn og fundarsköp Snæfellsbæjar í atkvæðagreiðslu um málefni í nefndinni.

Fundarmenn eru bundnir þagnarskyldu vegna mála sem þeir fá vitneskju um í starfi sínu fyrir fræðslunefnd og ætla má að leynt eigi að fara skv. eðli málsins, lögum eða samþykkt 2/3 hluta nefndarmanna hvort sem þau varða einka- eða almannahagsmuni.

Nefndarmaður skal víkja af fundi við umræður og afgreiðslu mála sem varða hann sjálfan, skyldmenni hans eða nánustu venslamenn svo mjög að ætla má að það móti viljaafstöðu hans að einhverju leyti. Honum er þó heimilt að gera stuttlega grein fyrir afstöðu sinni áður en hann víkur af fundi.

## **VII. Starfsmannamál**

Fræðslunefnd skal fjalla um umsóknir og gefa rökstudda umsögn til sveitarstjórnar vegna ráðningar skólustjóra leik-, tónlistar- og grunnskóla og aðstoðarskólustjóra grunnskóla. Ákvörðun um ráðningar kennara og annarra starfsmanna grunn-, tónlistar- og leikskóla er á valdi skólustjóra, að höfðu samráði við bærarstjóra og fræðslunefnd.

## **VIII. Lög og reglugerðir**

Í störfum sínum skal fræðslunefnd taka við af þeim lögum og reglugerðum sem undir starfssvið hennar heyrir. Þá skal nefndin fylgja samþykkt um stjórn og fundarsköp Snæfellsbæjar eins og þau eru hverju sinni.

## **IX. Gildistaka**

Erindisbréf þetta var staðfest á fundi sveitarstjórnar 2. október 2014 og tekur gildi sama dag.

*Snæfellsbær 2. október 2014*

**Kristinn Jónasson, bærarstjóri**